



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Joannis Pierii Valeriani Bellunensis Hieroglyphica, Sive De  
Sacris Ægyptiorum Aliarumque Gentium Literis,  
Commentariorum Libri LVIII**

**Valeriano, Pierio**

**[Lipsiae] ; Francofurti Ad Moenum, 1678**

Innocentia.

**urn:nbn:de:hbz:466:1-14259**

heretur ab alio, uti Boves, & Oves, quæ animalia sunt insigniter mansueta, eos qui manu trahunt facile sequentia: ideoq; non omnium hæc munera, sed Judæorum tantum esse videbantur: propterea quod illis, tametsi virtutis nihil operarentur, sufficiebat tamen nihil iniqui agere. Atque hoc Davidum illud citat Hesychius: *Homines & Jumenta salvos facies, Domine.* Nec sum nefcius, pastores Ovi, apud Ægyptios ignominia cujusdam nota, & pene prophanos habitos, quo nomine Appionum apud Josephum est, Iraeliticos populos appellatbat: atq; ipsi hoc in historia sacra dissimulant. Sed ut simplicitate illam vivendi, qua colligitur tam ex nostra, quam ex antiqua gentium pene omnium memoria, prætereamus (certatim enim scriptores omnes primum hoc humanæ vitæ institutum lundibus omnibus ad coelum ferunt) est & mystica interpretatio, qua Ægyptii posteriores ii, qui à prisca illis longe desciverant, non pastores ipsos, sed pastorum significatum odio prosecuti reprehenduntur. Nam qui corporis incitationibus, ejusq; voluptatibus indulgere sibi permiserunt, dubio procul hos, qui recta moneant, quadam velut execratione declinabit. Atq; id denique erat in causa, ut ab oitis jam antiquioribus illis præcorum sacerdotum institutionibus, qui papiro videntabant, qui cassioniam & synceram animi puritatem amplectebantur, recentiores mox ex otio & opulentia ad delicias & illecebras prolapsi, in quas cursu effusissimo ferebantur, cooperint pastores hujusmodi de parter aspernari & abominationi etiam habere: utpote qui, ait Horatius, nil vellent ab iis audire, nil dicere, nil quod ægros levare posset, fidis offenderentur medicis, amicis irasperentur, si quando eos funesta veteri suffocatione arcere properarent. Sic & Cainus pastorem fratrem, hominem quippe pietati addictum, ferre non potuit, cum ipse terrenis tantum affectibus mancipatus esset. & passim etiam nunc probi modestiæ viri a potentioribus ignominiose accipiuntur, fœlesti, impotentes, parasiti, & ambubairum collegia in honore sunt, & quæcumque appetierint commoda conquantur, atque ita demum.

*Potores, bibuli, media de nocte Falerni  
Oderunt porrecta negantem pocula, quamvis  
Nocturnos jures te formidare vapores.*

## DOCTOR VIRTUTIS. CAP. XIX.

**A**ries oblatus quid.  
**U**t vero ad pastores nostros revertatur, pastorem Ovium Ambrosius interpretari videtur dicitur dicitur dicitur rationis, doctoremq; virtutis. Et ubi scriptum, *filios Arietum Domino offerendos*, principes Ecclesiæ exponit Eucherius: & Oves intelligit eos, qui simplici, vera, puraq; fide pietatem hanc nostram amplectuntur: de quibus Christus, *Oves mee vocem meam audiunt*, & ad Petrum: *Past Agnos meos.* Quo super exclamat Salomon: *Pascæ animas pecorum tuorum*: de quibus scriptum est, *Arietes duos in primitiarum sacrificio ad septem Agnos immaculatos anniculos, & virulum num de armamento adjici debere.* Praecilla quippe mandata diceret Hesychius, & virtutes quas sequi alias velut Oves oportet, ad primam illam oblationem applicandas. Quod vero Aaron pontificalibus iam ornamenti instructus Arietem obtulit in holocaustum, per Arietem, Theologi, ut idem Hesychius, Christum intelligent immolatum: ille enim ducatum præbere Ovibus euntibus in pascua, & ad ingressum ingressumq; à caulis & in caulis solet: sicut & Christus dux perficere conversationis est, à quo videlicet ea sumpsit exordium, atque ideo intrare & exire Ovibus præcipiebat.

## INNOCENTIA. CAP. XX.

**A**nte alia autem tam Ovis quam Agnus hieroglyphicum est innocentia. Hinc illud apud Cyprianum sapientissime scriptum libro de Livore: *Meminisse debemus, quo vocabulo Christus plenam suam appellat, quo titulo gregem suum nuncupet. Oves nominat, ut innocentia Christiana Ovibus significetur: Agnos vocat, ut agnorum naturam simplicem mentis inviterit.*

## MANSVETUDO. CAP. XXI.

**E**t imbellum, purum, simplicem, ac egregie mansuetum hominem, eundemque immaculatum, ac pectori candidissimo præditum hieroglyphice significare qui volunt, Agnum pingere consueverunt: id enim mansuetissimum ejus ingenium exposcere videtur. Nam & ipso vocabulo ægri puritatem castitatemq; significat. Et antiqui sacrificiuli auguresq; Maximam hostiam ovili pecoris appellata.